

Imaju li grlice menstruaciju?
(Mirko se vraća kući)

Rie..raa..ruž..re,ri,ro,ru...brra!! Kak se nemrem zmisлити one pesme na R?! A cieli Buožji tjeden ju puščaju na Stubice. Da me nie mrti Mirko pak zaribal? To me opće ne bi čudile. Kie mi je kriv kad po rasprodaja kupujem proizvode z natpisi: «Za obavijesti o indikacijama upitajte svog grobara ili mljekarnika.»

Mirka sam nabavila na Hreljiču, na štandu gospona Mačka. Na dotičnoga gospona sam slučajne naletela dok sam iskala original ratkape za tatinuga karavanskuga ljubimca marke Mercedes. Teže zburjen tip. Z onu afro frizuru podsieča na očerupani suncokret. Prie sega, krupni čovek i po visine i po širine. Vouske hlače, rozi škornjiči z karieranem uzorkem, nosnice promjera etva 5 centimetri. Črni, izobličeni madež na lievem obrazu daje vekši izrod dlak nek koj ima lasi na glave. Frik na kvadrat!

Uff, te je zbilja imel sega na štandu. Od vojki za arapske dvogrbe deve raznih debljina i dužina do jestivih lažnih vučedolskih jarebica od domače papaje...Nadasve zanimljiv čušpajz. Za Mirka sam dala siču, 72,99 kn. Kak je organske građe, jake sam dobre prešla. Nedavne mi je Mirko zbrisal, al mi se čini da se još furt tu negde mota. Onak, neprimjetne. Osjećaji? Koma. Bumar. Šrot. Bez Mirka nemrem funkcionirati onak kak hočeju stvarni ljudovi. Nemrem si pomoći. Em je čokoladni, em je v boji. S razlogem sam srdita na se krej sebe i se h sebe. Gospon Maček me zaribal, prodal mi je pokvarenuga Mirka. Makar sam i sama znala da je rabljeni, senek sam ga kupila jer...hm...jer...jer, o kreep, fakat me zaribal. A Mirko se ponaša kak njegev zločesti brat blizanec. To je se defektne. I jen i drugi su zaslužili da ih Danteov Lucifer trže zubemi.

Ščera nas je profa na satu pitala koj je prema Danteu pisale na ulazu h pekel. Ja, vudreni biser, sam rekla: «Imaju li grlice menstruaciju?» Ovi z razreda su se smejali ko fejest napušeni.

To je z mene progovaral Mirko. Si su se urotili protiv mene. Čak me i jezik ostavil. I on je prešel na Mirkovu stran. Moji z razreda su mi tek na vjeronauku rekli kakvu sam glupost zvalila. Tri vure poklje!! Da ne veruješ.

Kad sam došla dime z škole, čuljila sam na se strane. Pod hitne mi je trebal odmor. Mirko i ja sme inače bili super par i zate se nemrem prilagoditi novem okolnosti. Prve sam se odlučila rastegnuti čiem več h brieg. Dignula sam se na prste i rastegnula do gornjuga vratnuga štoka na ulazu h špajzu. I...hitila se na kauč h dnevne pod kutem -80. A kad se zbudim, da bu se 5. Mirko, očajne te trebam, pa makar i defektnuga.

Svanula je večerka. RAZMAŽENAA!! Ha-ha! In jor fejs, Mirko! Na Stoubice su puščali Razmaženu od Rozge. Sigurna sam da se vrača.

Moram si male spuhnuti. Huh. Čujem koucanje. Kouc – kouc. Ulazi...i ušel je. Rekel mi je da je te cieli dan bil pri bjeloočnice Vere na kapučinu. Napokon. Moj optimalni mozak vrnul se na svoje meste.

Katarina Plancutić, 2.g
Pohvaljeno 5. pohvalom na Nagradi Gjalski za srednje škole (listopad, 2012.)
Mentor: Ljerka Gajski Markulin, prof.